

Ըստ վրաց Տարեգրքի, Աշոտ սպանուեց Քրոնիկոննի 46, այսինքն՝ 826 թուին: Մասկեր եւս մեռաւ նոյն տարին:

Աշոտ Մասկեր ունէր չորս որդի եւ երկու դուստր: Աւագ որդինքը՝ Դաւիթ եւ Բագարատ հաստատուել էին Տարօն, իսկ Սահակ եւ Մուշեղ Մոկաց աշխարհում: Մուշեղ Մոկաց իշխեցող, որոշ չէ թէ Մասկերը որդին է թէ Սահակի: Մասկերի կրտսեր որդին Սմբատ ժառանգեց կենտրոնական իշխանութիւնը:

Հին աշխարհին եւս ծանօթ էին քաղաքական ամուսնութիւնները:

Մասկեր իր մէկ դուստրը տուաւ կնութեան Աղծնիքի յայտնի մուսուլման իշխանին՝ Մուսէին, Ջորահայի որդուն: Այս ծայրագաւառի իշխանութիւնը դժուար հարուածելի էր եւ մշտական վտանգ հարեւան Տարօնի համար: Աշոտ յոյս ունէր խնամիական կապերով սանձելու չէզոքացնելու հնարաւոր սարսաղութիւնը: Վարդանը յիշատակում է, որ Մասկերի որդիք՝ «Դաւիթ եւ Սահակ եւ Մուշեղ եւ Բագարատ առեալ զմայրն իւրեանց չողան ի Նբփրկերտ առ Խալաֆն ամիրայ, սիրով ընկալեալք ի նմանէ»:

Նփրկերտ, ինչպէս Բաղէշ, մտնում էին Մուսէի իշխանութեան մէջ: Անշուշտ, ընտանեկան այց էր մօր կողմից իր դստեր որդիներին ուղեկցութեամբ:

Աշոտի միւս դուստրը, Հռիփսիմէն, ամուսնացաւ Արծրունեաց իշխանին հետ, որի անունը պատմութիւնը չէ պահել, բայց յայտնի են նրանց որդիները՝ Աշոտ, Գուրգէն եւ Գրիգոր:

Աթերորդ դարու քաղաքական շարժման մասնակից էին Արծրունիք, որպէս երրորդ գործօն ոյժ առընթեր Բագրատունի եւ Մամիկոնեան տների:

Նոյն դարու սկզբում Գրիգոր եւ Կորին Արծրունիք, Աշոտ Կոյրի օրից Վահան Արծրունու որդիք՝ Սահակ, Համազասպ, Գաղիկ եւ վերջինս զաւակները՝ Համազասպ, Սահակ եւ Մեհրուժան — նշանաւոր դէմքեր էին հրապարակի վրայ, մարտնչող արաբական բռնութեան դէմ, թեւակից Մամիկոնեան կորիճների: 785 թուին, յայտնութեան օրը, մարտիրոսութեան պսակն ստացան Համազասպ եւ

Սահակ: Արաբ բռնակալի վրէժխնդրութիւնն էր, որ Տայթեց յետին եւ դաւող ժամին ընդդէմ խռովարար եղբայրների: Մեհրուժանը ուրացաւ հայրենի հաւատը, «զգենոյր զկերպարան գայլոյ» եւ վրկեց իր կեանքը: Գուցէ սիրելի եղբայրների մահն էր այն «մեծ աղետը», որի համար Մեհրուժան սպանեց Մուշեղ Մամիկոնեանի երկու որդիներին, որ սպաստանել էին Վասուդուրական, սպանեց, կարծելով որ վրէժ է լուծում նրանց հօրից, որպէս աղէտի պատճառից: Նահատակուած իշխանների վարքում յիշում է, որ Մեհրուժան անպատիժ չմնաց. Դաւիթ Մամիկոնեան խողխողեց նրան: Դուրին բան չէր խթել Մամիկոնեաններին:

Ահա այս Արծրունի իշխանների զաւակներից մէկն էր, որ փեսայացաւ Աշոտ Մասկերին, առնելով նրա դուստրը:

Մամիկոնեանների անկումից յետոյ միակ աչարձակ տունը, որ կարող էր մրցել Բագրատունիների հետ բարի թէ չար նախանձից, Արծրունիք էին: Հեռատեսութիւն էր Մասկերի կողմից՝ ամուսնական կապերով պահել կասկածելի ախոյեանին քաղաքական համերաշխութեան շրջանում:

Բագրատունի իշխանուհին Հռիփսիմէ վերածնեց Արծրունու տոհմը, պարզեւելով երեք քաջարի զաւակ: Նրանցից Աշոտը եղաւ Արծրունիների համար այն ինչ որ իր պապը՝ Բագրատունիների:

Աշոտ Մասկեր բոլորեց իր կեանքի ընթացքը պատմական խոշոր գործիչի պատասխանատու դերում, եւ բոլորեց փայլով եւ փառքով: Արաբական բռնութեան ծանրագին օրերն էին, երբ Աշոտ հրատարակ իջաւ: Երկիրը աւեր, կազմալուծ մարմնապէս եւ հոգեպէս, լաւագոյն ոյժերը քամուած, մնացորդները քաշուած ասպարէշից: Հաղարացիք սպառսպուռ տիրել բռնել էին Հայաստանեայց, հեծեծում է ժամանակակից պատմադիրը, աշխարհիս մեծամեծները նուաղել, իսկ «մնացեալը զօրեալք դադարեալ կային ընդ լծով ծառայութեան նոյս»:

Այս դրութիւնից հանեց երկիրը Աշոտ, հանեց իր բազուկներով եւ ծանրախոս գլխով: Իր օգնականները իր մերձաւորներն էին՝ իր